

[Augsburg], 25. Mai/12. Juni 1564

An Johannes Oporinus

UB Basel, Fr. Gr. I 11, fol. 272r.

Steinmann Nr. 762.

Abb.: Kat. Griechischer Geist S. 307.

Lit.: Steinmann S. 107.

S. P. D. Οὐ μόνον οἱ ἀοιδοὶ, ἀλλὰ καὶ ἡ φήμη πολλὰ ψεύδεται. καὶ ψευδέσθω δὴ ἀφειδῶς, κακά γε ἀγγέλλουσα, οὐ χρυσὸν ἐπῶν. Vide Mi Oporine charissime et, vt spero, viuacissimè, cum literas abs te 25 Aprilis datas 9 Maij accepissem: tu sub idus MORTVVS nunciabare. Idem rumor durauit in hunc vsque diem 25 Maij. Etsi autem multa homini accidere possunt non tot diebus: sed minutis et ### astrologorum penè infinitis: tamen literae tuae 7 Maij datae, me recrearunt, et illud in primis dictum tuum, NE AEGROTARE QUIDEM TE POSSE, NEDVM MORI. ἔδει δέ σε ἀθάνατόν τε καὶ ἀγήρων εἶναι si nostris consilijs, id est, stulticijs FATA parērent. Quanquam et senectutis expers et immortalis est laborum tuorum memoria, qua Fortunae difficultates consolaberis, quas nec ij qui possunt, volunt, nec ij qui volunt, possunt subleuare.

Ab Heruagio Syngrapham accepi. De Suida D. Villingeri causa atque etiam existimationis tuae labore magis quam mea. De Isocrate beasti. Per ocium enim describi intra Cal[endas] Septembbris poterit tomus primus. Cuius titulum, si tanquam hederam suspendere in Oporinianis nondinis volueris, mittam ad te (nisi vtrumque nostrum ὁ ψυχαγωγὸς ἔρμῆς aliò miserit) tempestinè. Vale. 25 Maij 1564.

Hiero[nymus] Wolfius
Tuus.

Consul Hainzelius in ijs quos misisti libris deesse sibi queritur.

In Aristotele Latinè impresso Basileae per Ioannem Heruagium 1563 a 3. et a 4.

In Epithetis Rauisij Basileae apud Bryllingerum tres quaterniones q: N: Nn.

Haec vt suppleas rogo. Vidēris etiam gratum illi facturus, si quicquid posthac librorum excuderis, ad eum miseris, vt detrahantur de summa. Nihil enim ferè tuorum non emit, et vt aliquid repudiet Burtembachius non grauatim recipiet. Vale et viue, et me quamprimum solicitudine libera, literis tua manu scriptis. Nam postremae hae 7 Maji datae nondum me securum reddunt. Solonium illud de annis mensibus diebus horis reputantem. ἀλλ' ἔσται πάντα καλῶς. Iterum vale et viue, et quidem, beatè. 12 Iunij.